

^ 16  
2842  
6



門 16  
號 2842  
卷 6

堵文忠公集附錄

明史列傳

堵胤錫字仲緘無錫人崇禎十年進士歷官長沙知府山賊掠安化寧鄉官兵數敗允錫督鄉兵破滅之又殺醴陵賊魁遂以知兵名十六年八月賊陷長沙允錫朝覲還賊已退明年六月福王命為湖廣參政分守武昌黃州漢陽左良玉稱兵總督何騰蛟奔長沙令攝湖北巡撫事駐常德唐王立拜右副都御史實授巡撫李自成死眾擁其兄子錦為主奉自成妻高氏及高氏弟一功驟至澧州擁眾

堵文忠公集 附錄

早稻田大學圖書館  
第 25.5.20  
庫 來

三十萬言乞降遠近大震允錫議撫之騰蛟亦馳檄至乃  
躬入其營開誠慰諭稱詔賜高氏命服錦一功蟒王金銀  
器槁其軍皆踴躍拜謝乃卽軍中宴之導以忠孝大義數  
千言明日高氏出拜謂錦曰堵公天人也汝不可負別部  
田見秀劉汝魁等亦來歸唐王大喜加允錫兵部右侍郎  
兼右僉都御史總制其軍手書獎勞授錦御營前部左軍  
一功右軍並掛龍虎將軍印封列侯賜錦名赤心一功名  
必正他部賞賚有差號其營曰忠貞封高氏貞義夫人賜  
珠冠綵幣命有司建坊題曰淑贊中興允錫遂與赤心等

深相結倚以自強然赤心書疏猶稱自成先帝稱高氏太  
后云己而袁宗第劉體仁諸營先歸騰蛟者亦引與赤心  
合眾益盛允錫以芻糧難繼令散處江北就食明年正月  
騰蛟大舉期諸軍盡會岳州獨赤心先至餘逗遛卒不進  
永明王立進允錫兵部尙書總制如故

順治四年永明王令赤心等攻荊州月餘  
大清兵援荊州赤心等大敗步走入蜀數日不得食乃散  
入施州衛聲言就食湖南時王在武岡劉承允懼爲赤心  
所并計非允錫不能禦乃加允錫東閣大學士封光化伯


賜劍便宜從事允錫疏請得給空敕鑄印頒賜秦中舉兵者時頗議其專承允欲殺騰蛟允錫劾其罪八月大兵破武岡及寶慶常德辰沅允錫走永順土司尋赴貴陽抵遵義乞師於皮熊王祥又入施州請忠貞營軍會楚宗人朱容藩僞稱監國天下兵馬副元帥擅居夔州御史錢邦芭傳檄討之五年正月允錫見容藩責以大義曉譬利害散其黨未幾金聲桓李成棟叛我

大清以江西廣東附永明王於是馬進忠王進才曹志建李赤心高必正等乘閒取常德桃源澧州臨武藍山道州

靖州荆門宜城諸州縣進忠赤心必正皆封公允錫與進忠有隙令赤心必正爭進忠所取常德進忠盡焚廬舍而去赤心等棄空城引而東所至守將皆燒營棄城走湖南已復州縣爲一空允錫乃率赤心等入湘潭與騰蛟會騰蛟令允錫向江西而自率進忠等向長沙六年正月兵方逼長沙騰蛟在湘潭被執諸軍遂散赤心等走廣西緣道掠衡永郴桂允錫與胡一清守衡州戰敗走桂陽初赤心等入廣西龍虎關守將曹志建惡其淫掠並惡允錫允錫不知也或說志建允錫將召忠貞營圖志建志建夜發兵

圍允錫殺從卒千餘允錫及子逃入富川猺峒志建索之急猺潛送允錫於監軍僉事何圖復開關達梧州會王遣大臣嚴起恒劉湘容安輯忠貞營至梧而赤心等已走賓橫二州乃載允錫謁王於肇慶志建遷怒圖復誘殺之闔門俱盡允錫至肇慶時馬吉翔及李元允袁彭年等皆專柄各樹黨允錫乃結歡於吉翔檄赤心等東來與元允爲難移書瞿式耜欲閒元允託言王有密敕令已與式耜圖元允王頗不悅元允黨丁時魁金堡又論其喪師失地乃令總統兵馬移駐梧州允錫以赤心等不足恃欲遙結孫

可望爲強援矯王命封爲平遼王允錫尋至潯州自恨發病十一月卒王贈允錫潯國公謚文忠



邑志忠義傳

堵允錫字仲緘世居縣北之前亭大父佳因家難徙居武  
 進夾山父維嘗年四十未舉子禱於句曲之茅峰夢神告  
 曰吾遣牧牛兒爲若嗣萬曆辛丑十二月八日母陶夢牧  
 豎投懷遂生允錫於夾山父母故呼之曰牧子及長乃自  
 號牧遊生十一年而父母俱喪熒熒孑立流離踣頓不可  
 名狀而負氣跌宕落魄無賴人目爲癡年二十遊無錫馬  
 太史世奇見而奇之允錫遂執弟子禮居門下是年卽以  
 錫籍補諸生時天下將亂邊事充斥允錫慷慨思立不世

功乃爲書抵郡太守自薦邊才欲北詣經略熊廷弼曰熊公卽知兵非我佐之事不濟太守何應瑞目笑之曰狂生然私偉其言辛未四月復歸前亭故居癸酉舉於鄉丁丑成進士釋褐後卽假歸自以幼喪父母痛於心廬墓側三百日墓上枯桐復生有蛛絲結成孝字黃閣部道周作禮問唁之己卯四月謁選得南戶曹庚辰二月權北新關時內使崔璘在浙勢甚張允錫不少屈曰設吾以忤璘失官不轉榮於司權乎乃條陳權關利弊十事剔釐夙弊殆盡時值淫雨連旬米價湧貴因捐稅以招集糧賈其師馬世

奇寓書曰聞米艘盡捐稅額杭城萬井人倚更生眞轉移造化五色補天手也部議司關清惠第一加二秩辛巳三月任滿回部會同邑周相國延儒再召謁者填門允錫獨不往周屢使人要之旣見無一語周曰仲緘亦有所囑乎正色曰某何求但得一極危極險地可以畢命朝夕者足矣周嘿然尋出知長沙府十月蒞任見時事孔棘大修武備察山川形勢作星沙城守議鎮南立新營并左右二舊營日夕訓練之壬午四月臨藍賊蕭相宇廖二慶糾粵西生猺諸洞靛賊各鎮老馬子寇寧鄉聞報夜集兵得百五

增文忠公集 附錄  
十人馳救之同列謂孤軍難進允錫曰我速救賊疑有大兵至必走不可失也賊果錯愕宵遁追及之大虎坪會武岡黔沅兵亦至合勦於黃柴盡殪之又破醴陵賊斬其魁草上飛等遂以知兵名吉藩宗支蔓延多兼并民田賦煩役重會王宗與民爭田同知王秉乾聽之王宗不直王熈宗使譁與秉乾爲難民聚眾數千於南倉欲焚藩府時初昏允錫聞變卽馳至南倉委曲諭之民數服太守忠義乃解散在任期年榜銷十三年積案三千餘事民賴以安癸未四月舉廉卓入覲而流寇張獻忠於八月陷長沙上知

允錫有幹濟才命復任間關萬里爲兵盜所阻屢濱於死至甲申二月始抵任時賊甫退流離之民游遭饑疫允錫馳入武昌迎巡撫何騰蛟駐潭躬擐甲胄修築城垣招徠眾庶上地方十弊疏情詞悱切有旨陞武漢黃兵備道而北都之變適至允錫痛哭作陸龍騷五章六月奉福王命提督湖廣學政楚地屢遭兵燹學校殘破士之來者設僑學於漢陽允錫至集諸生於明倫堂訓之曰諸生登此堂不可不知明倫之義世治則君明臣良天下之父子夫婦昆弟朋友並受其福不幸國破君亡則父子夫婦昆弟此



離朋友解散故四倫必藉君臣一大倫始合普天率土誰非臣子今日明倫之務莫急於復仇復仇必須人才人才發爲經濟經濟本於學問學問根於忠孝爾多士刻刻以忠孝爲心在邦爲彥士出身爲良臣形影念慮起居動靜皆是復仇之時皆是復仇之地所謂人心不死不待舉而操必勝之術也時雖職學政而注意人才旁採謀畧無日不以治兵講武爲急乙酉三月巡試湖南講學於武昌學宮欲感激諸生相與戮力諭之曰我國家三百年尊賢養士一旦中原淪喪生民塗炭一至於此朝廷負士歟士負

朝廷歟有肝血者莫不勃焉憤仇矣今日與爾多士開宗大旨要以聖賢爲歸以理學爲任當下扼定百折不磨乃是戴員履方擔負綱常之男子至其入門處正不在多祇要勘得義利界限分明生死關頭透徹知行力自然智勇深沈於以入聖躋賢思過半矣試以義利言之義者苦遠難至利者喜近易從遠欲撤去千駟萬鍾退而薇蕨瓢飲甘苦殊絕豈能以夸語欺人子不云乎富而可求執鞭亦爲如不可求從吾所好利者我所不必有義者我所自有舍我自有求諸非分一朝詭遇千古貽譏西山之歌與

牛山之泣孰得孰失義利懸殊正可當下醒悟更以生死  
言之人當鼎鑊刀鋸何暇復談道義性命可愛勸人棄擲  
此難入之語也然吾非要人輕性命正要人愛性命何者  
性者有生而來命者天衷所降如忠孝廉節成仁取義皆  
吾性命內固有之物能愛此者堅如金石壽如邱山生固  
不朽死亦不朽今人所戀戀者非性命也血肉耳肢體軀  
殼豢養而成長者耄短者髻角吉者塚林凶者溝壑稍  
掩見聞蟻攢鳥啄此死固朽生亦朽也吾與多士不愛己  
之有而愛烏蟻之有清夜自問有不啞然者乎吾願愛性

命者愛得了愛得了則鼎鑊不須慷慨以赴直可從容而  
就也當是時諸生聞之莫不毛骨皆悚至有泣下者課士  
畢旋謁督師何騰蛟於長沙進策曰不措餉不能輯兵不  
招降不能張楚何深然之是年六月南都失守允錫聞之  
痛哭累日遂與章曠楊培東等起義兵設三科募士有幼  
讀詩書長嫻韜畧慷慨願立功名者爲上科優以不次之  
禮年力壯茂慕義從軍者爲次科給以代耕之祿落拓倜  
儻註誤犯法希圖開贖者爲下科寬以功折之令他如奇  
人俠客精曉陰陽術數熟習火器弓馬及技藝醫匠凡有

一能足用者悉收錄立君子營選才敏精銳者充之不稱兵丁稱君子以示崇異共得三千餘人分十營以爲親兵每營設都總一員統三百人都監二員分領一百五十人都哨十員統三十人都長三十人領十人一營十哨哨各有專業最驍勁者爲神鋒都習火器者爲神火都習鎗者爲神鎗都習射者爲神臂都都總以守備出身都監以把總都哨以副總餘都以効用把總出身各給以空頭劄付有功遞加陞賞大申軍法以勵之時騰蛟督兵駐武昌凡機務多就咨訪特奏允錫攝湖北巡撫事駐常德八月唐

王立拜右副都御史實授巡撫先是闖賊李自成有從子錦亦眇一目軍中稱爲小李自成死錦等十八部撫眾三十萬自川陝來剽掠荆湘間屯澧州界上聲言約我軍會獵遠近大震允錫曰國家新造勢不能勦當議撫事成宗社之靈否卽吾致命之日偵知錦之母高氏有智畧軍事皆取決而高氏弟一功驍勇爲諸軍最乃移檄何騰蛟令遣人往諭而已單騎由武陵過澧水達草坪入其營見錦等開誠慰諭導以忠孝大義慷慨激切眾皆感泣聽命稱詔賜高氏命服銀一功蟒王金銀器三軍皆踴躍卽日軍

塔文忠公集 附錄  
中留宴高氏出拜謂錦曰使汝曹贖前罪洗惡名皆堵公  
賜也汝不可負於是李錦高一功田虎張能賀藍袁宗第  
塔天保黨守素李來泰馬某三十萬眾皆就撫聽允錫節  
制別部田見秀劉汝魁聞之亦來歸事聞唐王喜加允錫  
兵部右侍郎兼僉都御史手書慰勞授錦御營前部左軍  
一功右軍並掛龍虎將軍印封列侯賜錦名赤心一功名  
必正他部賞賚有差號其營曰忠貞營封高氏貞義夫人  
命有司建坊題曰淑贊中興允錫遂與赤心等深相結倚  
楚勢大張而劉體仁諸營先歸騰蛟者亦引與赤心合眾

益盛允錫以芻糧難繼令散處江北就食丙戌二月率師  
攻荊州久不下推官趙振芳曰降將新附軍糧不繼恐有  
貳心且彼援師將至今惟決水灌城可以速下允錫曰我  
何忍民之魚乎弗聽會援兵至有田偵者漏師潰圍赤心  
等大敗允錫驚憤墮馬嘔血幾死回常力疾視師發張光  
萃守澧州楊國棟守回子河袁宗第守新安李赤心高必  
正守夷陵五月荆師壓境出新安兵擊之大敗荆師於草  
坪八月閩變永明王立除東閣大學士兵部尙書封光化  
伯允錫謂封疆之臣恢勦無成功豈敢冒恩固辭封不受

丁亥三月長沙破騰蛟退駐衡州

大兵至牛皮灘允錫遣楊國棟王一賓禦之眾寡不敵師屢却允錫亟往澧州調澧陽伯馬進忠兵進忠未應

大兵突襲常德守鎮周師忠爲內應常遂破允錫自溶返中途得報乃退駐慈利國棟一賓收殘兵來歸袁宗第亦移兵至進忠光萃俱避入永定七月允錫入永定調茅岡施溪容梅各土司悉力捍禦八月

大兵破武岡王將詣柳州甫出城劉承允迎降車駕幸脫兵部左侍郎傅作霖死之十一月允錫冒險趨夷陵簡閱

忠貞營兵馬夷陵地界西川宗室經畧朱容藩僭號監國開行臺於白帝城下州鼎沸允錫聞之恐變起旦夕亟入川以大義責之輒毀行臺銷元帥印其黨悉解散戊子二月還永定三月朔大集諸將誓師對二祖列宗神御前慟哭人人感泣屆期行師禱六靈之神告之曰某此行利鈍未可期誓當身殉無還心皇天鑒之祖宗臨之惟諸將士共勗之由是馬進忠張光萃楊國棟輩皆踴躍奮力攻常城三日克之王進才復桃源袁宗第復澧州李赤心高必正連拔荆門宣城等州縣軍聲復振五月長沙鎮將徐勇

以長沙兵侵常發進忠兵擊敗之踰月  
大兵繼至戰於麻河允錫與進忠議曰辰州雖據吾上游  
其將馬蛟麟以孤城必不敢輕出吾曾有檄招之其意向  
有待長沙爲湖南諸郡咽喉今徐勇雖敗實吾肘腋憂急  
檄忠貞營併力攻之則長沙可復長沙復則江楚可定也  
議定卽移檄忠貞營必正先率四百騎赴約有奸人鄭古  
愛與允錫有隙乃說進忠曰將軍本督師何騰蛟所進者  
也今與忠貞營併力攻長沙事成則允錫受其功不成則  
移禍於將軍何利焉進忠惑之遂暮夜燒城走赤心繼至

見常城燹毀發憤曰進忠去我輩獨不能下長沙耶允錫  
乃委監軍毛壽登守常自率忠貞營從寧鄉益陽進兵湘  
潭九月克之十月兵抵長沙城守甚堅月餘不下初騰蛟  
先撫馬進忠王進才號忠武營允錫繼撫忠貞營兩營多  
不協騰蛟欲乘閒分其處嘗致書允錫曰吾與敵戰嚴關  
日月橋三帥敗遁進圍零陵指日可下各郡邑盡入掌中  
聞忠貞營諸盟駐節中湘分取衡陽則功又有所屬矣近  
王馬諸勲舉動乖張吾已有檄諭之諒不負予也至是騰  
蛟克衡永率師次潭會金聲桓等守豫章

大兵圍之急騰蛟乃復檄允錫調忠貞營援之允錫本謀以全力復長沙恐兵分勢弱其勢難成持未決李赤心曰何督師既以長沙自任安用我軍且豫章亦不可不救允錫遂東行十二月至袁州己丑正月

大兵知允錫已東從湘江北岸水陸並進夜襲潭進忠跟踰走騰蛟被執不食死之允錫在袁聞之痛憤幾絕自是而忠貞營之聲援亦孤越三月江省亦潰江督金聲桓王得仁俱戰歿

大兵踵至允錫退守衡陽四月朔戰於草橋敗績收潰卒

壁耒陽初五日永興破族子正明死之乃自耒陽退入龍虎關欲集忠貞營兵背城決戰而守關爲楚鎮曹志建素忌允錫襲殺親兵五百人允錫及子世明十餘騎夜走猺峒何家寨尋走賀縣招集散亡從兵稍聚當是時允錫久臨行陣內外無援朝路不通思欲入覲以觀朝政計圖再舉乃遣子世明先羸奏詣行在世明暴疾卒於陽山六月抵肇慶見王行在時黔帥孫可望據有雲南十八府願聽撫欲求冊封廷臣畏其威不敢許允錫曰昔漢高王韓信於齊固非得己今及其投誠降勅封之使恩出朝廷乃可

得其用請上鑄平遠王印封之議始決在朝甫三日楚粵警報迭至允錫涕泣請出兵王特賜龍旂十二徵調天下兵馬糧餉加上柱國太子太傅文淵閣大學士吏兵二部尙書七月師次平梧徵調滇黔兩廣巴蜀各勦鎮胡一清趙印選張光壁王祥孫可望李定國馬進忠馬惟興俱發偏師出楚是時各路將帥驕惰士卒罷頓又多染疫瘴不應調允錫馳入忠貞營壁分兩營劉世俊劉國昌各萬人從征八月平南寇徐彪作亂討平之十月次潯州俟諸鎮兵集乃東發允錫歷年征戰勞苦憂悴常常扼腕嘔血比

連喪子姪入朝又值李元允用事劉湘客袁彭年丁時魁金堡蒙正發附之朝中謂之五虎每有奏請輒爲掣肘諸營又多跋扈觀望不肯聽命展布益難遂發憤成疾疾且革強起冠帶望闕拜遺疏畧曰臣受命以來罪大孽重辜負君恩不復自量擬再合餘燼少收桑榆不料調兵則一營不發若日有兵則豐其羽翼也索餉則一毫不與若日有餉則資其號召也致臣如窮山獨夫坐視疆場孔亟號血拊心畧無展布昨下西山橫邑感厲太重一病不起遂快羣腹臣以萬死不死之身不能畢命疆場一旦死於枕



席是爲恨也臣死後伏乞簡任老成用圖恢復若國家大事惟聽李元允等數人成敗可虞臣死矣不勝餘憾拜疏訖又南向拜父母曰兒死不獲更還邱隴矣及將絕呼筆題其像曰有明堵子生而精敏遭家不造誠身事親遭時多難誠身事君四十九年孤兒逋臣而今而後浩然蒼旻遂卒時十一月二十六日也三軍號慟如喪父母王聞之震悼輟朝五日諭祭九壇贈上柱國中極殿大學士太傅兼太子太師鎮國公諡文襄明史云潯國公諡文忠正明世明以從軍死皆予卹允錫自受業馬太史後遂專務聖賢之學雖

軍中馬上未嘗暫廢所著有禮經澤書詩經澤書春秋治

皇明史綱

洪武至天啟十四朝事蹟

詩有耐可吟馬革集亂後稿多不

存世明既卒允錫遂無子其門下士茶陵尹惟日令和平遣人迎其柩將送歸宜會惟日又卒柩滯中途凡三徙其所其後再從子景源閒關楚粵尋訪經年丙午二月始得其柩于黃梅之騎龍菴扶歸耐葬岳山祖壠同年生兵部尙書孫順爲作墓表

堵文忠公集附錄  
堵允錫字仲緘宜興人父維常庠生祖佳曾祖楨皆監生  
以允錫貴皆贈如其官堵之族於宜故以貲雄後稍貧落  
佳讓田宅於諸父徙武進之夾山維常再娶艱於嗣禱於  
茅山夢神授以牧童及允錫生母復夢牧笑入懷笛聲鳴  
鳴故號曰牧遊六歲喪母十有一歲喪父大父窮無依依  
父門生妻父陳太懋居宜興之官瀆陳亦貧甚每附塾輒  
爲所侮遣或踏雪而歌或月夜行遊達旦人目爲癡萬曆  
庚申歲饑欲往蘇浙聞傭書中途飢困病於無錫僧寺爲

堵文忠傳

任源祥撰

堵允錫字仲緘宜興人父維常庠生祖佳曾祖楨皆監生  
以允錫貴皆贈如其官堵之族於宜故以貲雄後稍貧落  
佳讓田宅於諸父徙武進之夾山維常再娶艱於嗣禱於  
茅山夢神授以牧童及允錫生母復夢牧笑入懷笛聲鳴  
鳴故號曰牧遊六歲喪母十有一歲喪父大父窮無依依  
父門生妻父陳太懋居宜興之官瀆陳亦貧甚每附塾輒  
爲所侮遣或踏雪而歌或月夜行遊達旦人目爲癡萬曆  
庚申歲饑欲往蘇浙聞傭書中途飢困病於無錫僧寺爲

寺徒所逐徬徨市中遇族兄之居無錫者曰知白一見知其大器厚待之遂留不去更具脯餼就學天啟辛酉朝廷用兵募士以策干知府何應瑞問曰汝何能曰無所不能曰能弓馬乎曰不能能占侯乎曰不能然則奚謂無所不能曰不能人之所能而能人之所不能變化生心決勝帷幄曰信非凡士然何屑以行伍進乃受策而不許入募壬戌以錫籍補郡諸生自大父徙居垂六十年允錫生長躑躅武宜錫閒會無寧處及三十一歲崇禎辛未始歸其祖居前亭里得數椽與從弟寅恭居癸酉舉於鄉丁丑成進

士允錫爲人拓落不羈至性天植忠孝本於家學父大漸時呼允錫問讀書何爲論忠孝何以盡其道而誠之曰學者之患莫大乎成敗易中敗有沮色者必其成有溢志旣又曰立身行己之道莫著切於禮允錫雖幼書而識之不敢忘登第後念父母之喪幼不成禮乃廬於墓側居喪三百日常喪制三之一微時德知白及貴知白已故厚撫其家課其子如己子己卯授南戶部主事庚辰權北新關卻閩人私索惠商著令歲饑賑活數十萬人辛巳遷長沙知府當是時天下危亂允錫留心武畧有濟變之志其家居

自署其門曰溝壑不忘終有志□□未滅豈爲家其廬墓以閒習騎射在北新募兵士設捕防廳物色客將余師貞壯士何鳳以自副同里周延儒再相要其一見曰仲緘亦有所屬乎曰得極危極險之地足矣延儒默然退而上書規切論天下兵勢於指掌及守長沙察山川形勝作星沙城守議壬午四月有臨藍賊攻寧鄉聞報卽夜發兵役得百五十人馳救之余師貞帥三十騎前驅同列謂孤軍宜中途觀變允錫曰吾救速賊疑大軍必走不可失也賊攻寧垂破救至果錯愕而遁余師貞追敗之馘其渠深入無

繼與何鳳皆戰死允錫益調兵窮追殲之師貞衢州人勇而知義自權關時委以心膂常不離左右及陳沒爲立廟致祭撫其孤初長沙以賊故設鎮南營有兵百人至是懲寧鄉之役更立鎮南新營益二百七十餘員餼皆自措物色罪人徐鳳岡出之獄中用之能負銃而戰常帶馬墮澗中賊鎗擣其口拔鎗躍起大呼砍百餘人莫有當者吉藩多占民田訟不直王熉宗譁與聽直同知王秉乾爲難民乃聚眾數千於南倉欲焚藩哭聲徹野時初昏聞變卽啟門而出使吏傳呼太守來人眾擁沓先爲入硃字以徇曰

受冤者告妄動者斬密檄兩營夾倉而軍眾稍定徐爲曲喻許受其詞待理乃散在任期年以計典入覲十月賊陷長沙巡按劉熙祚推官蔡道憲死之十二月拜復任路阻疏甲申正月至南京謁樞部史可法督師袁繼咸奉委長沙監軍會賊退三月復任四月聞京師之變弘光帝立於南京五月遷分巡武漢黃道七月平陳柯五族亂五族者陳友諒裔也世阻山爲窟至是乘警作亂出據瑞昌諸縣掠及黃州允錫遣兵搗其巢降之九月遷湖廣提學十月講學於武昌明倫堂說明倫以復仇爲第一義上疏言修

復事宜首請實行三試歸併二科試之法以德行政績言品爲第一場制義策論判爲第二場韜畧騎射爲第三場大約德行爲本而併文武爲一科云言雖不用識者韙之是時雖筦學政而治兵講武兼以謀勇取士乙酉正月復講學於武昌明義利死生之說三月謁督師何騰蛟於長沙因進策曰不措饗能輯兵乎不招降能張楚乎騰蛟然之自是措饗資何軍不絕五月南京潰允錫痛哭起義兵設科募士取句踐君子六千之義入選者俱名君子以示勸立君子營每營設都總一員都監二員都哨十員都長

三十員一營十哨哨各有專業其最驍勁者爲神鋒都習  
火器者爲神火都習鎗者爲神鎗都習牌者爲神牌都習  
射者爲神臂都總以下遞給守把哨官劄付有功以次  
陞賞嘗曰用老不如用新用多不如用寡於是觀察土著  
慎相法覘膽氣試技藝膂力選得三千餘人分十營操演  
訓練常爲親兵八月隆武詔命撫湖廣闖賊李自成既破  
其姪錦率衆三十餘萬由當陽轉掠而南土民間風奔竄  
允錫念彼雖潰北之餘然擊之則衆寡不敵收之則可得  
其用且聞錦頗孝其母宜可以義動也乃從帳下百人往

錦營錦等素服其名迎入座允錫論以大義曉以利害情  
辭慷慨激烈錦等爽然請歸正自効允錫因請見錦母高  
氏進以冠帔諸飾曰封誥在卽預備以獻高氏喜呼錦跪  
階下曰使爾輩洗惡名者堵公賜也爾終始勿生二心允  
錫灑酒告天錦等願以死報所掠百姓皆給錢糗釋歸於  
是李錦高一功等號十家兵者皆聽節制疏聞賜號忠貞  
營允錫前後所撫插爲用者曰忠武營曰忠貞營曰忠開  
營各不下數十萬人而忠貞尤強丙戌春調兵攻荊州不  
克還次武陵子孫驥及知白之子孫正至自家起兵時爲

書遣子以不仕二姓爲勸書未抵家而二子閒行至軍大喜改孫驥名世明孫正名正明示盡力本朝也正明故驍勇藝命督君子十營在軍能固結士心又挑少壯千人與同生死每戰莫不一當百故所向有功累官至右都督世明後以恩典授監察御史八月浙閩潰桂林建號以明年爲永歷元年丁亥駕幸武崗命允錫總督軍務八月常德陷率忠武營諸將退保永順司九月武岡潰兵部侍郎傅作霖武陵舉人隆武中允錫遣賚奏仕至今官死之傳令各營戒嚴十二月允錫自憤失職欲進兵恐人心不奮乃刺血書二祖列宗牌

位慟哭欲自殺忠武諸將感動三軍皆哭哭聲震山谷馬進忠王進才等輒奮兵出允錫親甲冑率正明血戰三日遂復常德辰州俘獲多軍聲復振戊子三月欲乘勝爲東下計檄忠貞營與忠武同駐常德相爲犄角□□使允錫鄉人吳達以書招峻拒之有倡和議者上疏痛陳其不可七月聞楚宗朱容藩僞稱監國於忠州擅封拜恐其滋蔓爲肘腋變卽乘舟至夔詰責之解散其黨由是于大海李占春等皆聽命所謂忠開營也而忠武忠貞諸將爲奸人所構互相疑忌允錫還曲爲調護十月鼓率忠貞進兵收

復衡湘至吉安所向皆克會故將金聲桓王得仁返正於  
南昌諸郡響應允錫遂回茶陵謂江西既定欲與長沙合  
兵出江漢圖中原也十一月陞兵部尙書賜尙方劍十二  
月□□困南昌率師赴援己丑正月湘潭陷督師大學士  
何騰蛟死之還救不及至衡州率滇將胡一清等拒守數  
月閒往復江西者再諸營進則鋒銳退則勢渙本與左提  
右挈者何騰蛟也及騰蛟亡大勢難支四月朔與□□大  
戰於衡之草橋自辰至酉而敗允錫退屯耒陽正明以眷  
屬屯永興相去百五十里□帥鄭王得允錫戚唐鶴翥潭

諸生世明入楚後  
另娶其女爲妻

厚遇之使爲書招不聽初五日永興陷

正明死之允錫妾唐氏世明妻唐氏正明妾陸氏闖門自  
焚參謀潘喆邵履正皆不屈死允錫退入龍虎關依保昌  
侯曹志建志建以驕橫被責銜允錫欲害之狼狽入搖岡  
何家寨沿途招集至賀縣從兵乃聚允錫兩世子身嘗爲  
宗祀計欲托長沙門生李先登匿世明山中世明慟哭不  
肯去至是將朝於肇慶先遣世明齋奏自陳至陽山以病  
卒訃聞謂左右曰此命也吾何以子爲哉六月入朝會高  
李十家兵亦從柳郴達蒼梧遠近震恐朝見後卽奉命安



插諸部輯服於是疏請出兵上因召見加陞直省督師少傅大學士吏部尙書特賜龍旂忠武忠貞忠開諸營悉聽節制七月師次平梧上復念允錫勤勞封光化伯允錫以師無成功上疏力辭特賜四代誥命有詔使問孫可望要求王爵之事疏論不能禁其不王而欲絕之勢將償決又密疏請量封二字王要使恩出自上十一月師次潯州自衡州之敗親兵殘破及奉命出師軍無饋饟李元允用事每有奏請輒爲掣肘諸營多觀望不進遂發憤成疾二十六日拜遺疏卒於軍三軍號慟如喪考妣百姓遠近奔哭

上爲泣涕輟朝五日贈太傅鎮國公謚文襄廕一子錦衣衛指揮同知世襲予祭九壇乙未夫人陳氏血抱族子潤政之子廷紹使後世明己亥復告於親族付手囑立寅恭之子景源爲次子入楚迎柩歸葬所著禮經澤書成於諸生詩經澤書成於孝廉春秋說義成於軍中祠規族譜成於庚辰辛巳間詩有耐可吟只可吟馬革集皆自訂親吏歐陽典著粵西實錄一卷專記公事己丑九月納紹興葉氏卒時有三月孕後生而不育或云遺孕不死今尙在滇任源祥曰堵公講學武昌較然於義利死生之際跡其生

平非虛言也當師次吉安金王返正何不乘勢併力下金陵而遽爾退師乃欲出江漢圖中原不亦迂乎然志以帥氣屢敗不衰為一隅之長城者數年亦可謂有功矣興業

公諱允錫字仲緘號牧遊河南鄭大夫堵叔之裔後析居淮陰宋趙清獻公拈序譜系以忠孝世其家稱望族元至正二年有通五公復遷義興之前亭里九傳至冲宇公維嘗邑庠生以萬曆辛丑十二月之八日生公公之篤生也禱於茅峯真府感焉降牧筮而徵異以故幼而精敏卓犖不羣弱冠獻策於何郡侯大奇其材故不許入募馬素修亦異之納諸門墻學使毛公檄大收立就五義拔置四府第一以錫籍進崇禎癸酉鄉試本房徐公松濤喜得公卷

墓表

公諱允錫字仲緘號牧遊河南鄭大夫堵叔之裔後析居淮陰宋趙清獻公拈序譜系以忠孝世其家稱望族元至正二年有通五公復遷義興之前亭里九傳至冲宇公維嘗邑庠生以萬曆辛丑十二月之八日生公公之篤生也禱於茅峯真府感焉降牧筮而徵異以故幼而精敏卓犖不羣弱冠獻策於何郡侯大奇其材故不許入募馬素修亦異之納諸門墻學使毛公檄大收立就五義拔置四府第一以錫籍進崇禎癸酉鄉試本房徐公松濤喜得公卷

首薦之魁南闈因重公學識命其子旭受業焉公就塾潛心經史著詩經澤書纂洪武十四朝事蹟自太祖始生及起兵王吳建號凡四紀元題其編名竊史見甚創而時之知公者有編年半奪前元歲之句爲公賦丁丑登狀元劉同升榜二甲進士公痛念乃考以減壽禱子妣以艱產病逝不獲觀厥成也告假廬墓追事苦塊閤部黃石齋先師作禮問以唁公方諸曾閔而下樂正子春未之及也暮年廬畢赴都謁選除授南京戶部河南清吏司主事己卯七月涖任尋差北新鈔關分司其爲關也志在祛弊殫力於

七務六關織遠舉舉最大者在革一六訂長單疏言權弊及儲弊條陳十一事上悉允行時陰雨連月米價騰湧公輒蠲米艘稅額節俸資以足國課悉以助賑馬素修喜之寓書稱美權署逼曠野暇則講武習射於圃中率閒韜鈴者訓練勇士若干備奸竊歲計所革額耗免商四萬餘金大司農倪鴻寶先生疏參崇文門管稅者謂臣所見能不爲此者惟今長沙知府堵允錫司關清惠爲天下第一奉旨加陞二級蓋公時已任長沙矣長沙土地廣饒藩封吉府在焉宗支蔓延長善田并吉者近十之三官豪又机肉

視百姓百姓洵洵欲爲難至是郡宗與民爭田民聚而譁  
叢詞訟王及諸蠹校不法事公袖詞謁王曰王天子叔父  
世食茲土茲土之民皆天子民皆王民奈何俾飲痛噴有  
言若此王無民是無天子安得復有國且今流賊內訌日  
耽耽視茲土苟王不嚴戢左右俾咀嚼民民一旦揭竿起  
隨不逞徒入賊中王何以謝天子遽出詞朗聲爲王誦誦  
訖卽爲請王摘詞中所指名及稔爲奸利任守治厥辜反  
民產及子女王可保國及身守今入不可出立摘數人杖  
於殿階訟乃銷而王校劉國明校閻承奉黃明治尤憚公

譖於王王遂劾公旨下罰俸公之始蒞長也控馬登陴先  
議城守固墉壘以戒不虞立鎮南新營并左右二營命練  
總潘六隆武生湯命光客將余師貞統之下車五月臨藍  
賊蕭糾北來潰卒粵西生猺諸峒詭賊各鎮老馬子合隊  
自黔陽扮官兵踰安化嶺窺寧鄉署縣朱經歷告急公發  
兵救之賊遁客將余師貞追及大虎坪以馬足旋濫遇害  
公憤檄新化武岡黔沅兵合勦於黃柴磯之未幾醴陵縣  
以燕子窩賊告急出獄中勇士徐鳳岡爲前驅與攸醴合  
勦復移檄於永使截其後鳳岡出戰馘其賊渠李鬍子草

上飛數百人而還蒞長葺年鋤強起瘠莫不畏威懷惠尤樂與民更新榜銷十三年積案三千餘件定欽案訟獄紛囂難制者如科臣史可鏡構難詞犯數千人一日剖析由是人民樂業境內帖然各臺以藩劾題公入覲居民謹送者夾江行聚湘陰旬日公禁之弗止也癸未元旦覲見舉廉卓賜宴禮部命復任長沙因江楚烽火中阻至明年正月達任長沙已經左獻殘毀饑疫荐至公馳入武昌迎撫軍何公騰蛟來潭并集諸佐吏慟哭謀賑貸民乃安集尋陞兵備道時盜賊蜂起陳柯五族作亂公率毛二協平之

九月超遷湖廣通省學政楚地屢遭兵燹學校傷殘具疏就近徵人才補教職員缺先巡試武漢黃三郡調試德安而荆襄承鄖流寇竊據阻聲教士子嚮風至者設僑學於漢陽委學博歐陽鼎籍收之試之日篝燈第藝晨起發案不逐聲榜名而幽滯畢達講學於武昌明倫堂說明倫以復仇爲第一義復申義利死生說立條約示諸生詳載文集蓋因時啟迪先節義而後文章也明年巡試岳州及長衡永寶辰常諸郡事竣加陞太僕寺卿銜公文武兼資任事慷慨何公駐武昌凡機務恒就諮度奏陞公爲楚撫駐

常德七月詔除都察院右副都御史巡撫湖廣公拜命於楚事決裂時外偏內潰兵單餉乏憤以茂先武庫抒范老甲兵乃出檄勤王調前護藩總兵楊國棟募兵於麻陽鎮得五千人與何公會稿拜疏遣常孝廉傅作霖賫入闕請移蹕楚時闖餘李錦高一功等擁三十萬眾分十八部剽掠荆襄閒士民望風奔竄公集麾下議曰今國家新造流寇侵逼勢不能勦當議撫事成宗社之靈否卽某致命之日乃取劍索自佩公固嘗曰急則身受干刳暇則梁懸一索素志然也先是何公撫馬進忠郝永忠王進才王允成

輩至是移咨何公各委吏一員持檄往諭公隨率單騎赴草坪撫之李寇素服公名見公開誠布腹遂相率請命公爲疏請賜李名赤心高名必正爵賞有差號忠貞營尋詔除公兵部右侍郎巡撫湖廣總制忠貞營一切軍務特賜尙方劍便宜行事明年二月督忠貞營攻荊州旬日將拔之以田偵漏師卒潰圍公驚憤墜馬嘔血數升濱死者再回常軍心震怖乃力疾視師發光萃守澧州國棟守回子河袁宗第守新安赤心必正守彝陵五月荆師壓境出新安兵擊之大敗荆師於草坪點級行賞以獎戰士之爭死

地文忠公集 附錄 三  
敵者巡按楊喬然方補行設闡衡州題湖北道孫順監試  
事咨公公以軍餉不敷務非所急憮然曰此披荆棘而彼  
植桃李其若之何阻弗應永歷改元巡撫章曠語何公曰  
今湖南兵力單弱國家多故星沙之師恃常武爲應接聞  
堵制使創於荊州之敗尙患病奈何時公病已減編註麟  
經自序以鳴己志名爲春秋治云雖當倥偬中命于世明  
馬前負囊筆墨嘗箋釋不輟是月覃恩詔除東閣大學士  
兵部尙書仍總制軍務兼理糧餉晉光化伯公謂封疆之  
臣罪且難贖固不受封明年三月長沙陷何公騰蛟章公

曠退駐衡州公遣總兵楊國棟副將王一賓禦北師於牛  
皮灘國棟屢郤公以眾寡不敵亟往澧州調澧陽伯馬進  
忠兵馬不應北師突至常城守鎮周師忠爲內應城陷公  
轉中途至陬溪得報欲自刎從行諸將急止之得不死乃  
退駐慈利國棟一賓以殘兵來歸袁宗第亦移兵駐慈進  
忠光萃俱避入永定衛七月公入永定調茅岡施溪容梅  
各土司悉力扞禦九永守備許純然縱兵譁餉公撫綏之  
乃安何公部將王進才王允成從寶澂移營辰溪及辰州  
諸郡縣公知進才有異志亟趨辰撫留之允成竟不可得

進才畏逼棄辰州與進忠入據永保二司地勢日促冬十一月公冒險趨夔陵簡閱忠貞營夔陵地界西川宗室經畧朱容藩僭號監國開行臺於白帝城下州鼎沸公謂忠貞營諸將曰天無二日民無二王容藩烏得如是吾當入川而折之赤心曰聞呂督帥名大器且討之何遽入虎狼也公曰彼雖有虎狼之心眾附未定難猶可解遂泝三峽上夔門以大義責容藩輒毀行臺銷元帥印其黨李占春余大海悉解散受撫不血刃而全蜀以定皆公之信義足以服人也明年三月朔集諸將誓師裂指血書二祖列宗神

御慟哭諸將感泣出師之日復禱六纛神而告曰某此行利鈍未可期誓當身殉無還心祖宗臨之皇天鑒之惟諸將士成之由是進忠光萃國棟等踴躍奮力攻常城三日克之進才復桃源宗第復澧州赤心必正連復荆門宜城等縣尋遣進才以水師進攻辰州遇北鎮馬蛟麟戰於北溶舟師失利五月北鎮徐勇以星沙之兵侵常公發進忠兵擊敗之踰月北兵繼至復戰於麻河又大敗之公與進忠議曰辰州雖據吾上流料蛟麟以孤城不能輕出吾曾有檄招之意尙有所待星沙爲湖南諸郡咽喉徐勇雖敗



實爲肘掖憂吾檄忠貞營并力攻之長沙復則江楚可定也議定卽發檄諭之必正先率四百騎赴公約有奸人鄭古愛納閒於進忠進忠遂忌之輒燒城走火以風烈焰甚公倉卒不及備南向拜禱曰某有罪固當受罰與常民何與語未畢頓返風熄火以是歎公之精誠更足以格天也赤心亦繼至見常城焚燬憤甚厲聲曰進忠旣去某等獨不能下長乎公乃委監軍毛壽登守常城率忠貞營從靈鄉益陽進兵湘潭十月移師攻長城守甚堅月餘不得拔是時何公從嚴關克衡永而下率師次潭進忠兵亦集何

公語公曰湖南郡邑在吾掌握中公何不移攻長之兵往援豫章以解湯火之厄如是則功各有所屬矣公意不然而進忠見李高等內不自安乃左袒何公議促公行赤心等亦勸曰何公旣以星沙自任安用我輩爲豫章之行不可違也遂擁兵東行未數日北兵水陸並至遂襲潭進忠奔走何公被執不食死之時己丑正月十七日也公抵攸縣聞報痛憤幾絕越三日江省亦陷督師金聲桓王得仁俱戰歿北兵大至公率滇將胡一清趙印選退守衡陽戰於草橋兵潰一清復入敵營格殺數百人退糾潰卒壁耒

陽四月北兵襲永興公姪正明不屈死之公自耒陽進龍  
虎關仍檄忠貞營兵背城決戰時赤心等爲烏金戰敗分  
駐郴桂閒而關內爲楚鎮曹志建汎地志建忌公謀爲反  
閒拉公具疏削奪李高封爵公不從志建怒將隨公內丁  
五百人阻關外者盡殺之公與子世明共十餘騎夜走何  
家寨志建追兵至貢士何圖復率鄉勇卻之遂西走肇慶  
志建大怒屠其寨磔何生世明隨公病卒於道六月抵行  
在帝慰勞有加命入閣辦事時黔帥孫可望求册封廷議  
久不決或以祖制異姓不王之說進公獨言於上曰昔漢

高王韓信於齊固非得已今內無蕭張之謀外多齧噬之  
患而議者反欲爭出於漢高惜虛名賈實禍非社稷之福  
也啟上立鑄平遼王印册封可望朝議始定是時楚粵驚  
報迭至議出師莫克當者上諭公云持危保安社稷蒼生  
是賴出險蒞戎非卿不可卿其率師往副朕望於是加公  
直省督師援江恢楚特賜龍旌十二徵調天下兵馬糧餉  
仍給總制閣部舊銜上柱國少傅兼太子太師文淵閣大  
學士吏兵兩部尙書誥封四代公受命辭朝七月次平梧  
徵調滇黔兩廣巴蜀各勦鎮胡一清趙印選張光壁王祥

孫可望李定國馬進忠馬惟興等發偏師出楚忠貞營兵  
駐橫州士卒染瘴不應調公卽馳入忠貞壁分其兩營劉  
世俊劉國昌各萬人隨征八月平南土寇徐彪猖獗公發  
兵斬之師次潯州俟諸鎮兵集乃東發十月朔公忽邁疾  
醫治罔效知不起乃拜遺疏云臣以萬死不死之身不能  
爲皇上畢命疆場而卒於枕席是爲恨也臣死之後伏乞  
皇上簡任老成用圖恢復至國家大事非李元允劉湘客  
袁彭年等五人褊材狹識所能負荷乞將臣哀鳴之言書  
諸御屏臣死且不朽病將革命左右懸在三圖沐浴瞻拜

辭君曰某生不能報君恩辭親曰某生不能報親恩公幼  
時聆冲宇公在三之訓故繪圖奉之圖內復自繪小照侍  
立旣乃自顧而言曰有明堵子生而明精遭家不造誠身  
事親遭邦多難誠身事君四十九年孤兒通臣而今而後  
浩然蒼旻蓋以此數語爲生寫照爾踰刻遂長逝仲冬之  
二十六日也上聞公薨涕泣減膳輟朝五日命禮官致祭  
予祭九壇贈鎮國公謚文襄後上蹕雲南念公忠勤復改  
謚忠肅加五典正明世明以從軍死皆予恤公薨之日勳  
鎮楊國棟總兵焦璉親標黃萬憲陸士毅凡二十餘營軍

士皆以白布裹首爲公發喪三軍號慟如喪考妣當公未卒時有一大星墜粵之西南隅眾皆異之左右蔣世芳盧思聖歐陽之典夜臥公側同夢公騎牛上昇噫公生以辛丑捷以丁丑卒以己丑丑牛之星精也茅峯之瑞徵於前海陽之夢符於後豈偶然哉昔武侯卒於軍師未撤而喪先返公去家七千里歿後幾廿年路阻莫達嗣君景源子身匍匐覓櫬於楚粵間初公柩厝潯西郊子世明祔焉公姪武鼎在潯因公故人徐一鶚謀至茶陵門人尹惟日任所啟粵督馬給照程歸喪故里尹時爲和平令措百金遣

役李選偕武鼎如潯迎柩惟日忽病故將革時囑其父羽侯云堵師柩未歸切勿以兒先入土使兒不得見先師於地下閱兩月李選返羽侯得公父子柩及惟日之喪自和抵茶武鼎患疾淹潯越四年至茶以尹君不獲葬也乃移公柩於衡陽鴈峯之麓而家焉踰月武鼎亦病故興化李君磐石過鴈峯見公旅櫬不禁歔歔設奠以告復移公柩自衡歷漢津過黃梅貯驅城寨祈龍菴內初家未之知也景源經年尋訪始得之具見啟柩鐫文關津批帖俾先骸卒返故里與祖禰同壤亦足慰公之靈於地下矣嗚呼公

以命世英豪處家國多難之際興亡雖關國運安危實寄  
一身故嘗批史至呂甥王城之盟輒拍案太息謂國破君  
亡千古時勢之難莫過於此臣子處此不徒以主憂臣辱  
主辱臣死塞責又曰讀此而知臣子於國家無不可爲之  
事夫知其不可爲而爲之者非智不若義則使然當其建  
旟推轂而令甲風行執虎持擾而智勇電發至單騎以撫  
李高非具有太史子義之謀畧諸葛公休之撫馭彼蜂目  
狼心詎甘食甚懷音腰鞬作我材官夫然後大湖南北始  
無伏莽翦荆之患得一意以向中原國祚相延十有三年

不可謂非公再造之力也特以地蹙餉匱諸降兵不免騷  
擾說者引爲公咎其時王馬郝諸營所在見告何獨忠貞  
然且從公兩出師以攻荆襄旨鋒鏑期得當以報不幸摧  
敗未可盡爲戰之罪也況拔荆門取宜城恢澧州定湘潭  
屢績可書乎方其大舉復湖南也何公自嚴關拔衡永而  
下公自常武率師而出先取湘潭士民莫不喜躍若此時  
諸將同心猜忌不作合力攻星沙且旦夕下奈何遣忠貞  
鼓行江右兵分則勢弱遂爲其所乘致有襲營之敗是忠  
貞一見忌於常武合營之日再見忌於龍虎關志建拉疏

塔文忠公集 附錄  
之時置封疆於不可爲是以公在朝甫三日卽出閣督師  
變占星隕天不憚遺邦國殄瘁至今稱宏傑精忠之士惟  
何中湘堵鎮國二人然中湘歷危險而殉難疆場鎮國歷  
危險而盡瘁師旅道固各盡志則同趨與日月爭光矣順  
與鎮國誼分蘭譜官同楚地憶公筮仕時告主之詞云以  
南北惟命之身勵盡瘁靡已之志夫是移孝以作忠君親  
無負撥亂以反正民社胥安爲之輯紀其事表見其行庶  
使非常之勲業歷千載而猶存未竟之徽猷問九原而可  
作其辭曰牧遊鍾嶽挺前亭文章節義世儀型力勤板蕩

挽昇平幹屯濟否莫與京丹心白刃矢忠勤前有趙張恥  
襲名伍羞絳灌立貞誠擇任取苦柄戎兵龍旗指顧馳迅  
霆六載持危楚粵城天網四面開鯢鯨砥柱不救洪濤傾  
中宣安壤正謨明或當著績垂日星一憤不起誰使令中  
興未遂寧勿生泣辭君父心怆怆浩然蒼旻貞神形溢焉  
倏與一物并千秋紫氣鬱上征知有龍劍留泉扃何以驗  
之石有銘

賜進士出身資德大夫兵部尙書同侍經筵前太常寺卿  
提督雲南學政年弟孫順頓首拜紀

中宣安... 五... 則... 曾... 壽... 正... 日... 星... 一... 謝... 不... 跋... 指... 對... 命... 中...  
 國... 人... 惟... 許... 欲... 學... 地... 天... 賦... 四... 面... 開... 闢... 就... 亦... 林... 不... 速... 均... 爾...  
 憂... 各... 出... 蓋... 絲... 斷... 立... 貞... 婦... 樹... 升... 短... 苦... 淋... 衣... 冠... 戴... 誰... 能... 風... 吹...  
 附... 長... 平... 會... 中... 否... 莫... 與... 京... 氏... 心... 白... 曰... 天... 忠... 憤... 前... 言... 數... 語... 何...

書牧子先生遺事 邵長蘅撰

牧子先生姓堵氏父堵翁無子禱於三茅山神甚虔一夕  
 夢神語曰吾昇而一子自擇之吏導至廡下啟一室冠進  
 賢欄袍束帶列坐十餘人吏問所欲翁曰吾不願也又啟  
 一室儒衣巾列坐者十餘人翁又不願旁小室扁鐫頗嚴  
 窺之惟一牛欄牧牛兒睡其旁翁曰吾欲得牧牛兒為子  
 吏白之神神曰此非而子也他惟所欲翁叩頭固請神曰  
 必欲得牧牛兒夫婦當減算翁叩首曰誠得牧牛兒為子  
 願減算也神乃許之既覺具以語媪如夢中媪亦喜未幾

果有娠生子因字之曰牧子後又自號牧遊生云不數年翁媪相繼死育於外氏生少落魄嗜酒亡賴好大言時流寇漸蔓延西北天下將亂生慷慨思奮功名顧挾冊爲里塾師非其好也大書屋壁曰素貧賤行乎貧賤受牛羊則牧牛羊又盡一歲束修所入范白金鑄頭顱杯容一升許出入攜持爲飲器銘曰若要賊滅除非堵截人傳而壯之嘗讀書村寺醉歸失足墮泥塹罵曰伽藍神司何事不爲我除道提神像投塹中夜夢神逐之急俄聞空中語曰是不可逐神乃止爲萬言書抵太守自薦邊才欲北詣經畧

熊廷弼大言曰熊公雖知兵非我佐之事且敗太守目笑之曰狂生狂生其儻募多類此年三十餘舉孝廉崇禎丁丑成進士自以幼孤不及事父母登第後奏持服三年廬於墓墓上枯桐載華蛛絲成孝字有桐華篇傳世辛巳官長沙知府會山賊蕭相宇竊發擾安化寧鄉數敗官兵生率鄉勇破斬之又破醴陵燕子窩賊斬其渠曰草上飛於是中外稱知兵甲申留都擁立遷武昌兵巡副使改督學尋擢巡撫湖北先是李自成既死其義兒李錦等十八部屯澧州界上號三十萬遠近大震生偵知錦母高氏有智



術軍事皆取決而高氏第一功所部二萬人驍勇爲諸軍最生單騎詣其營錦一功以鐵騎數千來迎入營稱詔賜高氏命服賜錦一功蟒玉及金銀器犒其軍皆踴躍叩首謝軍中寘酒生南面坐引卮談論慷慨具陳忠孝大義纒纒數千言明日高氏出拜呼錦曰公神人也汝曹不可負別部相繼來謁皆如約受撫事間封高氏英淑夫人李錦左軍侯賜名赤心高一功右軍侯賜名必正其他部爵皆通侯號忠貞營自是屢立戰功加總督侍郎賜上方劍鳳紐銀印順治六年正月

本朝大軍下湘潭生兵敗走郴州又走肇慶檄召李赤心等於籐巒將率之出楚謀再舉至梧州部曲稍稍散赤心等亦不至恚恨疾遂革十一月舟泊潯江夜且半遽索紙筆草遺疏復自題其像擲筆呼左右語曰吾不能馬革裹尸今斃命臥榻死有餘恨奮衣起欲自沉於江左右力抱持之是夜尋卒生名允錫字仲緘義興人一子世明亦以是年先卒於軍生平所爲詩文多散逸不傳曩余於亡友吳山人仲侯處見鈔本詩一卷五言如鄉音喧入市樟樹長過樓薄日淒天色空山細澗聲人隨天近遠髮與路縱

橫鴈聲寒嶺北僧照夕陽東薄霧深江色寒漁隱岸聲松  
風尋澗落店火出林明憶驥兒爾讀書能苦余爲官日貧  
七言如喜不醉人村市酒苦難成句意中詩亂山孤月清  
兼夢敲枕涼蟲氣雜秋晚光過樹空山近人影入池流水  
虛滿灘風捲蘆花夢一枕霜清畫角秋不腥荒草白餘骨  
作陣饑烏生噉人哭盧司馬象昇誓飛鐵騎將軍血肯受  
金牌廷尉章又起句如故鄉月色異鄉明把酒難忘酒後  
情百道溪光萬仞間青巒面面照人顏皆清警可誦古體  
亦多警篇惜不盡憶也後五六年其友人魯釗走蒼梧覓

遺骸不得得遺像以歸其自題曰吁嗟牧子遭家不造誠  
身事親遭時多難誠身事君四十九年孤兒逋臣嗚呼可  
哀也已釗字桐聲亦狂士初先生未第時所與交如釗輩  
者几十人號十鈍或曰十遁亦號十癡甲申之變往往散  
去後多不知所終惟釗存

增文忠公集 附錄 三

生祠碑記

錢受益撰

竊觀朝廷建官休采彬列而廟堂則重師保為親君也郡  
邑則重守令為親民也迺有根本之計上佐廟堂盈虛之  
籌下權郡邑兩者交重實維司關我堵公諱允錫字仲緘  
號牧遊無錫籍宜興人丁丑成進士庚辰春由民曹司權  
北關下車以來茂績遐方芳聲隆起都人遠旅有冬日春  
臺之喻既乃聚族謀曰使得倣古久任之典杭其永利賴  
之於是匍匐陳情願言借寇駿奔羣望矢志柅車而且桐  
鄉以祠峴淚以碑棠樹以封而且述其餘政紀其遺愛筆

之於書形之詠歌瞻依信戀之懷曷其有極先是商民相  
率詣當道保公再任公知力止之曰黽勉從事職固應爾  
例查一年報政無庸我私至是民乃相誠勿使公知釀金  
鳩工堂巍庶列祠遂落成士紳徵不佞言以記於石不佞  
曰公功德多在商賈商民北走燕南走粵瞬息千里謳頌  
以當頂禮銜佩以當勒銘曠乎大哉安務一方尸祝以圖  
功德爲雖然杭之潤澤極深余且託廕宇下忍使明德弗  
彰耶表而出之使後之踵事者式遵前列師倣嘉謨寧止  
數世之利則人思久任再任以留公而不可得者此之爲

久任再任也多矣虎林關政在今日其難者三物產蕭索  
接壤此離賦額倍增商愈困瘁縱執事日宣揚朝廷不得  
已之心恐亦惟利是視實應且憎將毋謂浚我以生乎則  
見德商賈實難箕斂旁午期會紛綸民間嗟食魚呼庚癸  
卽不忍膜外視亦奚暇月朔朝老穉而問以疾苦進縫掖  
子與之坐論經生之業哉則由商而見德士與民又難如  
公實可異者北關東南一都會事劇而弊叢公奮志澄清  
一蒞任而興利祛害燭旁徑塞漏卮除巨壑之鯨鯢磔城  
社之狐鼠盤錯所至游刃恢恢公之才刀布馭僮不增設

名目染指秋毫而漏網者勿問乾沒肩負者不計錙銖公  
之廉杭郡仰給外方值今饑饉薦臻民幾枵腹奇策救荒  
日無遏糴自雍絳誼鮮泛舟而吳越家多懸磬生命旦晚  
莫必其命卽鑄莊山之金懷魯卿之玉奚裨焉繇茲以觀  
杭人幾與中州青齊同受易子炊骸之慘而得以少蘇者  
我公招商免鈔之力居多而平糴賑施其又何敢忘大德  
公之仁士黜陽鱗文宗正軌儒林藝苑尊仰雅宗一時有  
識者歸以獎鑑人倫之日公之文設軍扈給廩餼嚴擊柝  
完守防爲關許帑藏謀禦暴止邪具饒方畧公之武擅茲

五異御彼三難乃知民始而留留之不已而祠祠之不已  
而石猶不足以寄其思而誌其報者豈偶然哉今西北多  
事聖天子宵旰勤勞以治兵理財爲首務思得奇偉宏通  
而任之公生平賦性孝友敦尚名義而冲襟璞粹雅量金  
貞淵然莫測其涯際及遇事明決慷慨敢爲直以天下事  
爲己任今日行政其裕國撫商惠民造士已畧見一斑庶  
幾足以當之矣昔晉杜預領度支號稱武庫唐李絳判本  
司不進羨餘宋富弼賑青州粟廩廬舍全活五十萬人擬  
於其倫公殆輝映前賢頡頏曩哲者乎行將懋膺特擢舉

管樞銓揆虛席相待以三難五異之才雍容措之裕如矣  
 國植於不傾泉運於不涸社席郡國楨幹廟堂可同條其  
 貫不朽大業繇此其選不佞承乏史氏之後異日者采輯  
 茂碩之績修明平準之良定以今言為券則畏壘壽貞珉  
 光簡策一舉而三善備炳炳麟麟豈不懿哉當為公泚筆  
 以埃新建文忠祠碑記 吾邑山水清淑代產偉人若  
 晉周孝侯明盧忠肅塔文忠皆開世特出足以震古  
 樂今永垂不朽者也孝侯廟食千古忠肅公亦特旨  
 予祠春秋秩祀惟文忠公祠廟缺如豈以公釋褐初隸籍  
 梁溪禮祀於彼從隆而於此從略歟抑思公世居前亭釣  
 遊之所年譜歷歷其客梁溪者暫耳夫公之忠義奮發方  
 駕文山實足為溪山生色顧無一椽之奉一甌之奠雖公  
 之靈爽未必怨恫而仰止景行者何從矜式哉古英賢杖

履所至其風流餘韻即僑寓猶侈為光寵況生長地乎朱  
 子之發源建安岳忠武之湯陰西泠兩地皆有專廟是其  
 例也明季王忠烈公邑前輩奉祀於西郊陶泉俞公令荆  
 邑時改建今地祠西尚有基數十弓循覽形勢可建公祠  
 公固與忠烈為鄉會同年寓祀於祠王公亦必怡然愜於  
 懷也超因勉力庀材營造閱兩月告成即顏其門曰懷堵  
 仿金閭白公祠之仰蘇懷杜意也仲戊請官致祭循以為  
 例今而後吉蠲忠享神來宴俟必有與忠烈公相視莫逆  
 者邑之人入廟瞻謁肅然有以興起頑廉懦立其在斯乎  
 道光二十三年仲夏邑後學潘士超謹撰

此二十五平竹葉詩餘卷中其世  
亦不問其人而論其才與德也  
公之自命曰志士其志固不可奪  
公之自命曰志士其志固不可奪  
公之自命曰志士其志固不可奪

權關德政錄序

任天下大事者以才具勝然必盛德在躬而後理劇治紛  
救靈區宇雖豪傑之用實聖賢之心舍此而風起雲飛濤  
鳴浪吼獺華弔詭無裨斯民理亂即鞅掌王事拘守一隅  
職不盡則諉時勢所難心不切則云事不在我無乃非仁  
人君子之懷哉乃若清風介節皎然明月在天溫澤續粟  
淵然良玉居璞釐剔誦神明教養歌豈弟上非鶩奇名下  
弗比偏安以暇逸精心職中殫力職外未有如吾郡權關  
堵君者也蓋關政苦賦重苦姦究出入賦重不能乞之於

朝若祛巨姦甦商困征收正額上供國計而不妄立名目  
以虐取一錢當吾世誠爲罕覯矧今災侵頻仍顛連載道  
元元日晩莫必其命而且捐資俸以賑饑活人奚啻數萬  
民窮而盜揭竿可虞而且討軍實設方畧嚴柝完守爲捍  
禦帑藏計恤民何其深而敬公何其至歟士習爲升選始  
基今能文之家揆華摛藻雕繪盈眼然叩其蘊奧譬隋宮  
翦綵神氣不全惟有文而無題故究有題而無文使君悼  
道失真持籌之暇進多士課業焉重以經術繩以理脈而  
士丕丕焉崇尚實學不事虛文誰實使然可忘作人之功

烈哉宜乎凜秋霜載陽春民各有心而附生我之恩則一  
焉連袂而歌交口而誦無閒黃稚婦孺良由茂德闔仁出  
以補偏救弊視士猶吾民也視民猶吾商也一體相關根  
本豐沃國家永永賴之今儒效之不彰也天下日習於兵  
而兵不可用日以兵保民而民不得安如有文經武緯之  
才何憂天下多事耶使君行矣朝謁至尊暮登宸輔相道  
得而庶績凝於關政見其一斑云南京太常寺卿前通政  
司左通政葛寅亮撰



太傅文襄公傳贊  
盤根錯節乃別利器當國家多故變出非常庸鄙小儒類  
持成說以繩豪傑乃禍患猝至又束手坐歎莫可如何坐  
是而誤國家者往往然矣當高李剽掠之時既不能撲滅  
而又不欲招之直聽其僨決已耳公獨直入其軍收橫暴  
之寇鞭箠如驅羊豕雖未能盡恢中原然與何中湘雄視  
湖湘者數年芑在西川亦撫猺黃十三家及獻賊餘黨恢  
復九郡縣朝廷用是偏安十有六年議者或咎公所降將  
不得其用噫使諸將不降其敗不愈速乎是時不顧庸人

太傅文襄公傳贊

盤根錯節乃別利器當國家多故變出非常庸鄙小儒類  
持成說以繩豪傑乃禍患猝至又束手坐歎莫可如何坐  
是而誤國家者往往然矣當高李剽掠之時既不能撲滅  
而又不欲招之直聽其僨決已耳公獨直入其軍收橫暴  
之寇鞭箠如驅羊豕雖未能盡恢中原然與何中湘雄視  
湖湘者數年芑在西川亦撫猺黃十三家及獻賊餘黨恢  
復九郡縣朝廷用是偏安十有六年議者或咎公所降將  
不得其用噫使諸將不降其敗不愈速乎是時不顧庸人

浮議而惟國事是任者公與何中相及芑有同心焉故始  
終同事至死不悔成則爲郭汾陽否則爲文文山今謂文  
山不若汾陽可乎以成敗論人者其識見寧直井底蛙哉  
諸葛武侯云鞠躬盡瘁死而後已至於成敗利鈍非臣之  
所能逆觀也芑於公亦云巡撫四等處都察院右僉  
御史丹徒錢邦芑撰

太傅廬墓像贊是鏡譔

有明堵子生而跖弛幼失怙恃顛蹶流離洎乎成名一變  
至道廬墓追思克盡厥孝蛛成孝字華發枯桐孝之所至  
誠無不通時當世變忠由孝積子臂支天虞淵捧日志雖  
未就力已靡遺觀公遺貌示我朝職

附錄終

裔孫象龍重校

景辰希文

胡

奇

景

景

景

景

胡人至死不悔成則為郭汾陽否則為文文山今言文

山名汾陽可乎

未滅也

未滅也

未滅也

未滅也

未滅也

太尉

